

高僧傳卷第十四

十四

高僧傳序錄卷第十四

尹四

梁會稽嘉祥寺沙門 慧皎 撰

原夫至道沖漠假蹄筌而後彰玄致幽凝藉
師保以成用是由聖迹迭興賢能異託辯忠
烈孝慈以定君父之道明詩書禮樂以成風
俗之訓或忘功遺事尚彼虛沖或體任榮枯
重茲達命而皆教但域中功存近益斯蓋漸
染之方未與盡其神性至若能仁之爲訓也
考業果幽微則循復三世言至理高妙則貫
絕百靈若夫啓十地以辯慧宗顯二諦以詮

智府窮神盡性之旨管一樞極之致餘教方
之猶羣流之歸巨壑衆星之拱北辰懋哉邈
矣信難得以言尚至迺教滿三千形遍六道
皆所以接引幽昏爲大利益而以淨穢異聞
升墜殊見故秋方先形聲之奉東國後見聞
之益雲龍表於夜明風虎彰乎宵夢洪風旣
扇大化斯融自爾西域名僧往往而至或傳
度經法或教授禪道或以異迹化人或以神
力救物自漢之梁紀曆彌遠世涉六代年將
五百此土桑門舍章秀起羣英間出迭有其

人衆家記錄叙載各異沙門法濟偏叙高逸
一迹沙門法安但列志節一行沙門僧寶止
命遊方一科沙門法進迺通撰論傳而辭事
闕略並皆互有繁簡出沒成異考之行事未
見其歸宋臨川康王義慶宣驗記及幽明錄
太原王琰冥詳記彭城劉悛益部寺記沙門
曇宗京師寺記太原王延秀感應傳朱君台
徵應傳陶淵明搜神錄並傍出諸僧叙其風
素而皆是附見亟多踈闕齊竟陵文宣王三
寶記傳或稱佛史或號僧錄旣三寶共叙辭

旨相關混濫難求更爲蕪昧瑯琊王巾所撰
僧史意似該綜而文體未足沙門僧祐撰三
藏記止有三十餘僧所無甚衆中書郗景興
東山僧傳治中張孝秀廬山僧傳中書陸明
霞沙門傳各競舉一方不通今古務存一善
不及餘行逮于即時亦繼有作者然或褒讚
之下過相揄揚或叙事之中空列辭費求之
實理無的可稱或復嫌以繁廣刪減其事而
抗迹之竒多所遺削謂出家之士處國賓王
不應勵然自遠高蹈獨絕尋辭榮棄愛本以

異俗爲賢若此而不論竟何所紀嘗以暇日
遇覽羣作輒搜檢雜錄數十餘家及晉宋齊
梁春秋書史秦趙燕涼荒朝僞曆地理雜篇
孤文片記并博諮故老廣訪先達校其有無
取其同異始于漢明帝永平十年終至梁天
監十八年凡四百五十三載二百五十七人
又傍出附見者二百餘人開其德業大爲十
例一曰譯經二曰義解三曰神異四曰習禪
五曰明律六曰遺身七曰誦經八曰興福九
曰經師十曰唱導然法流東土蓋由傳譯之

勲或踰越沙險或汎漾洪波皆忘形徇道委
命弘法震旦開明一焉是賴茲德可崇故列
之篇首至若慧解開神則道兼萬億通感適
化則彊暴以綏靖念安禪則功德森茂弘讚
毗尼則禁行清潔忘形遺體則矜恪革心歌
誦法言則幽顯含慶樹興福善則遺像可傳
凡此八科並以軌迹不同化洽殊異而皆德
効四依功在三業故爲羣經之所稱美衆聖
之所褒述及夫討覈源流商榷取舍皆列諸
讚論備之後文而論所著辭微異恒體始標

尹四

三

大意類猶前序未辯時人事同後議若間施
前後如謂煩雜故總布一科之末通稱爲論
其轉讀宣唱雖源出非遠然而應機悟俗實
有偏功故齊宋雜記咸列秀者今之所取必
其製用超絕及有一介通感迺編之傳末如
或異者非所存焉凡十科所叙皆散在衆記
今止刪聚一處故述而無作俾夫披覽於一
本之內可兼諸要其有繁辭虛讚或德不及
稱者一皆省略故述六代賢異止爲十三卷
并序錄合十四軸號曰高僧傳自前代所撰

多曰名僧然名者本實之實也若實行潛光則高而不名寡德適時則名而不高名而不高本非所紀高而不名則備今錄故省名音代以高字其間草創或有遺逸今此十四卷備讚論者意以為定如未隱括覽者詳焉

高僧傳第一卷

譯經上十五人

漢雒陽白馬寺攝摩騰

雒陽白馬寺竺法蘭

雒陽安清

雒陽支迦樓識

竺佛朔
支曜

安玄

康巨

嚴佛

康

孟詳
熾
法
文
目

魏雒陽曇柯迦羅康僧鎧 曇帝

吳建業建初寺康僧會

吳武昌維祇難法立

晉長安竺曇摩羅刹聶遠

長安帛遠帛法祚

建康建初寺帛尸梨蜜

長安僧伽跋澄佛圖羅刹

長安曇摩難提趙政

廬山僧伽提婆僧伽羅叉

尹四

四

長安竺佛念

江陵辛寺曇摩耶舍

竺法度

高僧傳第二卷

譯經中七人

晉長安鳩摩羅什

長安弗若多羅

長安曇摩流支

壽春石磧寺卑摩羅叉

長安佛陀耶舍

京師道場寺佛馱跋陀羅

河西曇無讖

安陽侯

道普

法盛

高僧傳第三卷

譯經下十三人

宋江陵辛寺釋法顯

黃龍釋曇無竭

建康龍光寺佛馱什

河西浮陀跋摩

尹四

京師枳園寺釋智嚴

六合山釋寶雲

京師祇洹寺求那跋摩

京師奉誠寺僧伽跋摩

上定林寺曇摩蜜多

京兆釋智猛

京師道林寺量良耶舍

僧伽達多
僧伽羅多多

京師中興寺求那跋陀羅

阿那
摩低

齊建康正觀寺求那毗地

僧伽婆羅

高僧傳第四卷

義解一十四人

晉洛陽朱士衡

竺叔蘭
無羅叉

淮陽支孝龍

豫章山康僧淵

康法暢
支敏度

高邑竺法雅

毗浮
曇相

曇習

中山康法朗

令韶

燉煌竺法乘

竺法行
竺法存

剡東岬山竺潛

竺法友
竺法濟

竺法蘊
康法識

剡沃洲山支遁

支法虔
竺法仰

于法道

剡山于法蘭

竺法興
支法淵

剡白山于法開

于法威

燉煌于道邃

剡葛峴山竺法崇

道寶

始寧山竺法義

東莞竺僧度

竺慧超

高僧傳第五卷

義解二

十五人

晉長安五級寺釋道安 王嘉

蒲坂釋法和

太山竺僧朗 支僧敦

京師瓦官寺竺法汰 曇壹 曇貳

飛龍山釋僧光 道護

尹四

荊州上明竺僧輔

京師瓦官寺竺僧敷

荊州長沙寺釋曇翼 僧衛

荊州長沙寺釋法遇

荊州上明釋曇徽

長安覆舟山釋道立僧常法濟

長沙寺釋曇戒法顯

於潛青山竺法曠法顯

吳虎丘東山寺竺道壹帛道猷

道寶

山陰嘉祥寺釋慧虔曇試智明

高僧傳第六卷義解三十三人

晉廬山釋慧遠

蜀龍淵寺釋慧持慧巖道泓
僧恭曇蘭

廬山釋慧永僧融

廬山釋僧濟

新陽釋法安

廬山釋曇邕

吳臺寺釋道祖慧要

曇順

曇詵

長安大寺釋僧碧弘覺

彭城郡釋道融

尹四

七

長安釋曇影

長安釋僧叡僧措

長安釋道恒道標

長安釋僧肇

高僧傳第七卷

義解四

三十二人

宋京師龍光寺竺道生

寶林
慧生

法寶

京師烏衣寺釋慧叡

京師東安寺釋慧嚴

法智

京師道場寺釋慧觀

僧馥
法業

京師祇洹寺釋慧義

僧睿

京師彭城寺釋道淵

慧琳

京師彭城寺釋僧弼

東阿釋慧靜

京師祇洹寺釋僧苞

法和

餘杭方顯寺釋僧詮

江陵辛寺釋曇鑑

道海 曇泓

慧龕 道廣

慧恭 道光

廬山陵雲寺釋慧安

淮南中寺釋曇無成

曇罔

京師靈味寺釋僧舍

道舍

江陵琵琶寺釋僧徹

僧莊

吳虎丘山釋曇諦

壽春石礪寺釋僧導

僧因 僧成

蜀武擔寺釋道汪

普明 道閻

山陰天柱山釋慧靜

長沙麓山釋法愍

僧宗

僧音

京師北多寶寺釋道亮靜林 慧隆

丹陽釋梵敏僧籥

京師中興寺釋道温僧慶 僧嵩

慧定

京師莊嚴寺釋曇斌曇濟 曇宗

京師何園寺釋慧亮

尹四

八

下定林寺釋僧鏡曇隆

京師靈根寺釋僧瑾曇度 玄運

京師興皇寺釋道猛道堅 慧敷

慧鸞 僧訓

道明

山陰靈嘉寺釋超進曇慧 道憑

吳興小山釋法瑤

曇瑤

京師新安寺釋道猷

道慈 覺世

慧整

京師冶城寺釋慧通

高僧傳第八卷

義解五

二十七人

齊偽魏濟州釋僧淵

慧記 道登

偽魏釋曇度

京師莊嚴寺釋道慧

玄趣 僧達

京師中興寺釋僧鍾

曇織 僧表

曇遷 僧最

敏達 僧寶

京師天保寺釋僧盛

京師湘宮寺釋弘充 法鮮

高昌郡釋智林

京師靈根寺釋法瑗 法愛 智興 法常

蜀齊后山釋玄暢

上定林寺釋僧遠 道憑 慧泰 法令

尹四

荊州竹林寺釋僧惠 曇慎 僧岫 慧敞

上定林寺釋僧柔 弘稱 惠熙 僧拔

山陰法華山釋惠基 僧行 道恢 慧旭 惠深

惠永 法洪

京師謝寺釋慧次 僧寶 僧智 法珍 慧調 僧嚮 僧猛

法寶

京師何園寺釋慧隆

僧誕
僧賢

僧辯
通慧

法度

京師太昌寺釋僧宗

曇准
法真

法身
慧令

僧賢
僧敬

法仙
道文

法景

京師中寺釋法安

慧光
慧韜

敬遺
道宗

光贊

京師中興寺釋僧印

慧龍

琅邪嶧山釋法度

法紹
法開

僧朗
僧紹

惠開

梁京師冶城寺釋智秀

僧若
道乘

僧璿
法整

荊州釋惠球

京師靈曜寺釋僧盛法欣

僧智敬護

僧韶

山陰雲門山寺釋智順

僧成

京師靈味寺釋寶亮道明

上定林寺釋法通聖進

京師招提寺釋慧集

剡法華臺釋曇斐法藏

高僧傳第九卷申異上 四人

晉鄴中竺佛圖澄道進

羅浮山單道開

常山竺佛調

洛陽耆域

高僧傳第十卷

神異下

十六人

晉洛陽磐鵠山犍陀勒

洛陽婁至山呵羅竭

尹四

襄陽竺法慧

洛陽大市寺安慧則

慧持

長安涉公

西平釋曇霍

上虞龍山史宗

宋京師杯度

偽魏長安釋曇始

高昌釋法朗 智整

岷山通雲寺邵碩

江陵琵琶寺釋惠安 僧覽
法衛

齊京師枳園寺沙彌釋法贍 法措

荊州釋僧惠 慧遠

壽春釋慧通

梁京師釋保誌 道香
僧朗

高僧傳第十一卷 習禪二十一人
明律十三人

習禪

晉江左竺僧顯

剡隱岳山帛僧光

始豐赤城山竺曇猷

慧開
惠真

長安釋慧嵬

尹四

廣漢閻興寺釋賢護

始豐赤城山支曇蘭

蜀石室山釋法緒

宋偽魏平城釋玄高

慧崇

長安寒山釋僧周

僧亮

長安太后寺釋慧通

餘杭釋淨度

始豐瀑布山釋僧從

廣漢釋法成

京師中興寺釋慧覽

荊州長沙寺釋法期
道果

成都釋道法

蜀安樂寺釋普恒

齊京師靈鷲寺釋僧審

僧謙
超志

法隱
法達

慧勝

武昌樊山釋法悟 道濟

錢塘靈隱山釋曇超

始豐赤城山釋慧明

明律

宋江陵釋慧猷

吳閑居寺釋僧業 慧光

京師長樂寺釋慧詢

京師莊嚴寺釋僧瓌 道遠

彭城郡釋道儼 慧曜

江陵釋僧隱 成具

廣漢釋道房

京師閑心寺釋道榮 慧祐

齊鍾山靈曜寺釋志道 超度

京師多寶寺釋法穎 慧文

蜀靈建寺釋法琳

尹四

京師安樂寺釋智稱 聰超

京師建初寺釋僧祐

高僧傳第十二卷 忘身十一人
誦經二十一人

忘身

晉霍山釋僧羣

宋彭城駕山釋曇稱

高昌釋法進僧遵

魏郡廷尉寺釋僧富

偽秦蒲坂釋法羽慧始

臨川招提寺釋慧紹僧要

廬山招隱寺釋僧瑜

京師竹林寺釋慧益

蜀武擔寺釋僧慶

齊隴西釋法光

交趾仙山釋曇弘

誦經

晉河陰白馬寺釋曇邃

越城寺釋法相曇益僧法

山陰顯義寺竺法純

蜀三賢寺釋僧生

尹四

宋剡法華臺釋法宗

京師南澗寺釋道罔

廬山釋慧慶

臨渭釋普明

京師道場寺釋法莊

京師瓦官寺釋慧果

京師東安寺釋法恭僧恭

京師彭城寺釋僧覆慧林

齊京師高座寺釋慧進僧念

宋興栢林寺釋弘明

京師靈根寺釋慧豫法音

上定林寺釋道嵩

上定林寺釋超辯法明
法定

山陰天柱山釋法慧曇遊

京師後岡釋僧侯慧溫

僧志

梁上定林寺釋慧彌法仙

富陽齊堅寺釋道琳

高僧傳第十三卷

興福十四人
經師十一人

唱導十人

興福

晉并州竺慧達

武陵平山釋慧元竺慧直

齊京師瓦官寺釋慧力

京師安樂寺釋慧受

宋京師崇明寺釋僧慧

山陰法華山釋僧翼

豫州釋僧洪

京師釋僧亮

京師延賢寺釋法意

齊南海雲峯寺釋慧敬

南海藏薇山釋法獻

尹四

上定林寺釋法獻 玄暢

梁剡石城山釋僧護

京師正覺寺釋法悅

經師

晉中山帛法橋

晉京師建初寺支曇籥

京師祇洹寺釋法平

宋京師白馬寺釋僧饒

安樂寺釋道慧

謝寺釋智宗

齊烏衣寺釋曇遷

東安寺釋曇智

安樂寺釋僧辯

白馬寺釋曇憑

北多寶寺釋慧忍

唱導

宋京師祇洹寺釋道照

長干寺釋曇穎

瓦官寺釋慧璩

靈味寺釋曇宗

尹四

中寺釋曇光

齊興福寺釋慧芬

興福寺釋道儒

瓦官寺釋慧重

正勝寺釋法願

齊隆寺釋法鏡

右十三卷十科凡二百五十七人

弟子孤子王曼頽頓首和南一日蒙示所撰
高僧傳并使其倚撫力尋始竟但見偉才紙
弊墨渝迄未能罷若迺至法既被名德已興
年幾五百時經六代自摩騰法蘭發軫西域
安侯支讖荷錫東都雖跡標出沒行實深淺
咸作舟梁大為利益固宜油素傳美鉛槧定
辭昭示後昆揄揚往秀而道安羅什間表秦
書佛澄道進雜聞趙冊晉史見拾復恨局當

時宋典所存頗因其會兼且攙出君台之記
糅在元亮之說感應或所商推幽明不無梗
槩汎顯傍文未足光闡間有諸傳文非隱括
景興偶採居山之人僧寶偏綴遊方之士法
濟唯張高逸之例法安止命志節之科康泓
專紀單開王季但稱高座僧瑜卓爾獨載玄
暢超然孤錄唯釋法進所造王巾有著意存
該綜可擅一家然進名博而未廣巾體立而
不就梁來作者亦有病諸僧祐成簡旣同法
濟之責孝秀染毫復獲景興之誚其唱公纂

集最實近之求其鄙意更恨煩冗法師此製
始所謂不刊之筆綿亘古今包括內外屬辭
比事不文不質謂繁難省玄約豈加以高為
名既使弗逮者恥開例成廣足使有善者勸
向之二三諸子前後撰述豈得絜長量短同
年共日而語之哉信門徒竟無一言可豫市
肆空設千金之賞方入遙龍函上登麟閣出
內瓊笈卷舒玉筍弟子雖實不敏少嘗好學
頃日廼餘觸途多昧且獲披來帙斯文在斯
鑽仰弗暇討論何所誠非子通見元則之論

良愧處道知休弈之書徒深謝安慕竺曠風
流殷浩憚支遁才俊耳不見旬日窮情已勞
扶力此白以代訴盡弟子孤子王曼穎頓首
和南君白一日以所撰高僧傳相簡意存鍼
艾而來告累紙更加拂拭顧惟道藉人弘理
由教顯而弘道釋教莫尚高僧故漸染已來
照明遺法殊功異行列代而興敦厲後生理
宜綜綴貧道少之懷書抱筴自課之勤長慕
鉛墨塗青揚善之美故於聽覽餘間厝心傳
錄每見一介可稱輒有懷三省但歷尋衆記

繁約不同或編列參差或行事出沒已詳別
序兼具來告所以不量寸管輕樹十科商榷
條流意言略舉而筆路蒼茫辭語陋拙本以
自備踈遺豈宜濫入高聽檀越既學兼孔釋
解貫玄儒抽入綴藻內外淹劭披覽餘暇脫
助詳閱故忘鄙俚用簡龍門然事高辭野久
懷多愧來告吹噓更增悞懼今以所著讚論
十科重以相簡如有紕謬請備斟酌釋慧皎

白

高僧傳錄序卷第十四

右此傳是會稽嘉祥寺釋慧皎法師所撰
法師學通內外精研經律著涅槃疏十卷
梵網戒等義疏並為世軌又撰此高僧傳
及序共十四卷梁末承聖二年太歲癸酉
避侯景難來至湓城少時講說甲戌歲二
月捨化春秋五十有八江州僧正慧恭為
首經營葬于廬山禪閣寺墓時龍光寺釋
僧果同避難在山遇見時事聊記之云耳

音釋

懋莫候切
美也
悛七全切
雒郎各切
與洛同
岫吾浪切
峴戶顯

切
誅所臻
聲治小
斌卑巾
瑗于願
敞楚兩

斐敷尾
荷荷舉
之綺切
石繫其
采後曰
鉛槩鉛

專切鉛粉也
七豔切版牘也
糝女救切
梗槩槩
古猛切

梗槩槩
大筴楚
同華切
與策
煨他典
密切
慙

同與嘿
溢蒲奔切
水名



